



Web-telesaila
egin duen lantaldea
jo eta su ekinen.

TXOMINISTAK

Errioxa euskaldunduko duen web-telesaila



Itsaso Zubiria Etxeberria
@itsasozubiria

Ikusi dut orain hamar bat egun estreinatu dela *Txoministak* web-telesail berria, Hiru Damatxo ideia faktoriak bideratu eta ARGIAk zabaldua. Eta otu zait nondik nora iritsiko zen lehen saio hori ARGIAren eskuetaraino, aktore, grabazio edo produkzio lanetan izerdi tantarik bota ez badute. Hor nire zalantza: nola engainatu ote dituzte damak seriearen aurkezpen saioarena bezala ondorengo kapituluaren estreinaldiak ARGIAren kontrolpean uzteko? Egileei galdetzea izango dut onena.

Engainu hitza esan bezain pronto hasi zaizkit barrez, ezetz, lasai egoteko, ez diuela inork engainatu; tratu batera heldu direla. Baina ni oraindik mesfidati. "Ziur zaudete zuentzat ere tratu txukuna izan dela?". Baietz. Eta berriz algarak. Hitzarrena itxura batean sinplea da: ARGIAk du web-telesailaren hedapenaren eskusiba. Asteazkenetan zabaltzen da eta ostiralera arte ARGIAren bidez bakarrik ikus daiteke. Ostiraletik aurrera zintzilikatzen da Youtuben. Eta trukean egileek material gastuei aurre egiteko moduko kantitate ekonomikoa jasoko dute.

Azalpenik ez dut eman oraindik, ordea, *Txoministaken* nondik norakoan inguruan, eta inor zer den oso ondo harrapatu gabe gera ez dadin aipatuko ditut pare bat datu. Euskal Herrian girotutako telesail politikoa da. Errioxa geureganatuz zortziak bat aldarrikatzen duen alderdiaren sorrera du oinarri, eta egileen hitzetan "Euskal Herria definitiboki askatzera doa". Pentsatuko duzun bezala umoretik landua hasiera-hasieratik, *Txoministaken* ideia bera sei-zazpi bat lagunen arteko afari giroan sortua baita. Web-telesaila forma hartzen joan den neurrian handitu da lantaldea, Hiru Damatxo-k bideratzen badu ere ondoan baitauzkate beste hamar lagun. Hasiera batean behintzat zortzi atalez osatuko da, eta alderdiaren barrenak ezagutzeko aukera emango digu.

Ilusioz heldutako proiektua da eta asteburuetako parranda orduak murriztuz atera dute aurrera. Baldintzak ezagututa eta haizea kontra izanda, emaitza oso duina da. Gure bozka zalantzan jartzera iritsiko al gara? ■

"Zorionak egiten duzuen lan bikain horrengatik; kalitate handiko astekari bat sortzearen!"

Julio Soto,
ARGIAkoa



Lasarte ikusteko beste betaurrekoak euskarari enfokatuta

Ttakin kultur elkartearekin elkarlanean mahai-ingurua antolatu genuen maiatzaren 12an. *Lasarte-Orian* euskararen bilakaera: atzera begira aurrera egiteko izenburupean aritu ziren Mailu Arruti, Pello Sasai eta Marga Ituriza. Moderatzaile aritu zen Onintza Iruretak bertako edukiak ekarriko dizkigu hurrengo aste-ko astekarian.

AGENDA

Komunikatuz eraldatu-herriak euren komunikazioaren jabe jardunaldiak

Mugarik Gabe GKEak eta Aiaraldea komunikabideak elkarlanean antolatuta, hainbat ekintza egingo dira Orduñan, herri indigenek hedabide handiei eta pentsamendu bakarrari aurre egiteko landu dituzten komunikazio ereduak ezagutu eta esperientziak partekatze-ko. Ekintza guztiak Alhondegian izango dira, 19:00etan hasita.

- Maiatzaren 18an eta 23an bideo emaldiak.
- Maiatzaren 20an mahai-ingurua: *Komunikazio alternatiboa eta herri komunikabideak eraldaketa sozialerako*. Bolivia (CEFREC), Argentina (CLACPI) eta Euskal Herriko (ARGIA) esperientziak kontagai.